



**Pauli Laymanni e Societate Iesu Jus Canonicum
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

Laymann, Paul

Dilingae, 1698

Capitulum IV. Tua.

[urn:nbn:de:hbz:466:1-62482](#)

CAPITULUM IV.

Tua.

PARAPHRASIS.

Si Sacerdos Parochiæ Præfctus lepræ perculsus fuerit, ab officio removeri debet, & necessaria portio ex Ecclesiæ redditibus, quod vixerit, ei providenda.

Notandum. Si Parochus incidat in mortuum incurabilem, ita ut officio, & administrationi Parochiæ præfcti nullo modo possit, amovendus est, data ei congrua portione, ex redditibus Ecclesiæ, & alius in ejus locum substituendus, atque intitulandus. Ita probabiliiter sentit Gl. marginalis in c. precedente. & docuit ibidem *Innocent. super hoc c. Vincentius & alij.* Et colligitur ex verbis, quando absolute dicitur, ab officio removendum esse, congruâ ei ad sustentationem assignatâ portione, con querenter alius substituendus est, qui proinde non erit Coadjutor, sed Rector principalis, & totalis, licet contrarium placuerit Joanni Andreæ, Abbatii, & pluribus alijs, qui existimant propter morbum seu infirmitatem, etiam incurabilem, non posse unquam removeri, aut destitui beneficium, nisi is consentiat, seu renunciet, de hoc iterum dicam in c. unico hoc tit. in 6.

CAPITULUM V.

Ex parte.

PARAPHRASIS.

Cum Episcopus Aurasiensis gravi & incurabili morbo, fermè per quadriennium, laborâset, ita ut pastorale officium nullatenus potuerit exercere, Princeps Regionis, & cives à Metropolitano petiverunt, ut alium ipsis Episcopum provideat. Eam rem Metropolitanus Archiepiscopus Arelatensis Innocentius III. significavit, qui hîc responderet: cum Episcopus iste ad renunciationem compelli non possit, & afflictio addenda non


sit afflictio, sed potius ejus miseria condolendum, eò quod vir bonus extiterit, & Ecclesiam sibi commissam bene gubernârit, idè velle se tam Episcopo, quam Ecclesiæ ejus providere; ideoque mandare, ut Coadjutorem ipsi adjungat Archiepiscopus, virum providum, & honestum, per quem tum Episcopo, tum populo salubriter consulatur.

SUMMARIUM.

1. *Coadjutor dandus est Episcopo, si morbum incurabilem hic contraxerit, ita ut officio Pastorali præesse non possit.*
2. *Cujus Coadjutoris duo sunt officia, ut Rectoris scilicet curam gerat, & Ecclesia.*

Notandum primum. Si Episcopus morbum, seu infirmitatem incurabilem contraxerit, ita ut officio Pastorali præesse non possit, dandus est ei Coadjutor, uti habetur in c. unico. eodem tit. in 6. & videtur hoc esse speciale in Episcopo, quod ob hanc causam incurabilis infirmitatis, aut senectutis decrepitæ, amoveri ab officio Episcopali nunquam possit, ita ut alius substituatur, juxta ea, quæ docui in c. cùm non pridem. 10. de renunciatione S. alia, cuius ratio est, quam Hostiensis tradit apud Joannem And in c. precedente prope finem, quia inter Episcopum, & Ecclesiam suam, veluti spirituale indissoluble matrimonium intercedit, prout dixi lib. 1, decretalium tit. de translatione Episcopi.

Notandum secundum. Coadjutoris Episcopo, vel alteri Prælato, aut Rectori propter senium, aut infirmitatem assignari, duo sunt officia, & obligationes, videlicet primò, ui Prælati, seu Rectoris curam gerat; deinde curam Ecclesiæ, in ijs omnibus, quæ pertinent ad officium Prælati, cuius Coadjutor constitutus est.



CAPI-